



**Broj: 01-170/12**  
**Vareš, 19.09. 2012. godine**

**Z A P I S N I K**  
**s 41. sjednice Općinskog vijeća Vareš,**  
**održane 31.07. 2012. godine**

Josip Malbašić – predsjedavajući Općinskog vijeća Vareš, otvorio je 41. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

**Odsutni** – Nihad Parić.

Pored vijećnika sjednici prisustvuju: Općinski načelnik - Hamdo Fatić, tajnik Općinskog vijeća - Leon Pavlović, pomoćnici općinskog načelnika, ispred Službe za gospodarstvo i financije – šef Odsjeka za financije Boro Anđić, ispred Službe za civilnu zaštitu – komandir PVJ Izudin Muftić, predsjednici političkih stranaka i predstavnici OSCE – Terenski ured Zenica Johanna Kisielak i Dragan Vuković.

Tajnik Općinskog vijeća izvijestio je Vijeće o realizaciji Zaključaka s 40. sjednice OV održane 28.06.2012. godine i dostavljenim odgovorima na vijećnička pitanja. Općinsko vijeće na 40. sjednici donijelo je 9 Zaključaka i prihvatilo 3 Inicijative. Od tog broja 6 Zaključaka je realizirano i dat je odgovor na 1 Inicijativu, 3 Zaključaka su u toku realizacije jer nisu vremenski određena. Za 1 Zaključak Služba nema podataka niti odgovora na 2 Inicijative. Na 40. sjednici OV postavljeno je 8 vijećničkih pitanja. Na 7 vijećničkih pitanja, nadležni su dostavili odgovor podnosiocima pitanja, a na 1 pitanje Služba nema podataka o odgovoru.

Općinski načelnik Hamdo Fatić u okviru aktualne problematike na području općine Vareš, izvijestio je Vijeće da nema novih informacija, a za dešavanja koja su u toku nema ništa konkretno danas reći, jer se ne zna kako će se završiti.

Predsjedavajući OV pozvao je vijećnike koji nisu zadovoljni sa dobivenim odgovorom na vijećnička pitanja ili imaju dopunska pitanja, da se izjasne.

- **Elvir Rožajac** – Izjasnio se da je nezadovoljan sa odgovorima na dva vijećnička pitanja postavljena na prošloj sjednici OV, vezano za obnovu mjesne škole u MZ Ravne i problem obrušavanja kamenja u tunelu o čemu je dao i komentar.

Predsjedavajući OV skrenuo je pažnju svim vijećnicima da ne daju komentare na odgovore koje su dobili na postavljena vijećnička pitanja, nego da postavljaju dopunska ako ih imaju.

- **Jelena Zlobec** – Postavila je dopunsko pitanje: U prošlom odgovoru sam dobila da je sakupljeno oko 320.000 KM za komunalne usluge i građevinsko zemljište. Sad mi se daje odgovor na 222.000 KM, šta je sada, gdje je ta kolizija?

*(Vijećnička pitanja)*

**Tajiba Brkić**

1. U ime studenata postavljam pitanje: Kada će početi isplata stipendija za prošlu godinu?
2. Traži od Općinskog načelnika da odgovori da li će sa rekonstrukcijom elektromreže na Budoželju ići i rasvjeta?

**Elvir Rožajac**

3. U ime više građana Vareša invalidnih osoba postavlja pitanje Općinskom načelniku i nadležnoj Službi: Kada će se konačno pristupiti izgradnji autobuskih stajališta (nastršnice i klupe) kod Općine i kod MUP-a?
4. Traži da se riješi problem ulične rasvjete (napominje jednosmjernu ulicu Put mira), jer sijalice koje su postavljene ne osvjetljavaju dovoljno ulice u gradu?

**Milan Knežević**

5. Pitanje se odnosi na kulturno-historijske spomenike i Program sanacije i rekonstrukcije kulturno-historijskih spomenika kojim je planirana sanacija tri spomenika: Zašto se ništa nije uradilo i pošto se ništa nije uradilo do kada se misli to uraditi?
6. Zašto se nije primijenio Statut općine Vareš i zašto se natpis na ulaznim vratima zgrade Općine Vareš nije uskladio sa izmjenama i dopunama Statuta?

**Džemo Kevrić**

7. Pitanje se odnosi na prostorije BPS-a. Stranka je dobila otkaz iz prostorija koje je koristila i nema gdje održavati sastanke Izvršnog odbora BPS-a za predstojeće Lokalne izbore i u vezi s tim postavlja pitanje Općinskom načelniku: Gdje ubuduće, za ova 2-3 mjeseca što nam je preostalo, da se sastajemo, da nam se obezbijede prostorije kao parlamentarnoj stranci ovog OV od 1997. godine do danas?
8. Pitanje se odnosi na sanaciju puta Striježevo-Kokošćići. Traži od Općinskog vijeća i predsjedavajućeg OV da se formira jedna komisija koja će obići taj dio puta, da se vidi u kakvom je stanju i da je konačno vrijeme da se pristupi realizaciji sanacije tog dijela puta (napominje da će lično učestvovati u sanaciji puta sa 100 m<sup>3</sup> materijala)?

**Željko Matić**

9. Traži da se riješi problem u vezi dugog čekanja pacijenata u redu u gradskoj apoteci u Varešu?

**Jasmin Salketić**

10. Dokle se došlo sa formiranjem jedinica civilne zaštite na nivou općine Vareš, odnosno po mjesnim zajednicama. Da li je taj posao okončan i ako je okončan da li može nadležna Služba ili ljudi koji rade u Službi, da li cijene da bi te jedinice, ako su već formirane, mogle biti realno upotrebljive na bilo kojem dijelu teritorije općine Vareš?

Predsjedavajući OV stavio je na raspravu zapisnike sa 39. i 40. sjednice OV .

Nije bilo primjedbi i predsjedavajući OV stavio je na izjašnjanje zapisnik sa 39. sjednice OV i nakon izjašnjanja vijećnika konstatirao da je **zapisnik sa 39. sjednice OV jednoglasno usvojen.**

Predsjedavajući OV stavio je na izjašnjanje zapisnik sa 40. sjednice OV i nakon izjašnjanja vijećnika konstatirao da je **zapisnik sa 40. sjednice OV jednoglasno usvojen**

Na raspravu je stavljen prijedlog dnevnog reda iz poziva za 41. sjednicu OV.

Nije bilo primjedbi niti prijedloga za izmjenu ili dopunu dnevnog reda 41. sjednice OV.

Predsjedavajući OV stavio je na izjašnjanje prijedlog dnevnog reda iz poziva za 41. sjednicu OV i nakon izjašnjanja konstatira da je **jednoglasno usvojen s l i j e d e ć i**

### *Dnevni red*

- 1. Prijedlog Odluke o usvajanju Plana zaštite od požara na području općine Vareš.**
- 2. Prijedlog Odluke o prodaji poslovnog prostora.**
- 3. Prijedlog Odluke o utvrđivanju cijena komunalnih usluga i visine naknade za priključno mjesto.**
- 4. Prijedlog Odluke o dopuni Odluke o sigurnosti saobraćaja na cestama.**
- 5. Prijedlog Odluke o dodjeli općinskih priznanja i nagrada Općine Vareš za 2012. godinu.**
- 6. Izvješće o izvršenju budžeta/proračuna Jedininstvenog općinskog organa uprave Općine Vareš za period januar/siječanj-juli/lipanj 2012. fiskalne godine.**
- 7. Izvješće o stanju lokalne i regionalne putne mreže na području općine Vareš.**
- 8. Informacija o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko .**
- 9. Informacija o stanju u oblasti boračko-invalidske zaštite na području općine Vareš.**
- 10. Informacija o realiziranim projektima NVO sektora i suradnji sa javnim sektorom na području općine Vareš.**
- 11. Tekuća pitanja.**

#### **Ad. 1.**

*(Prijedlog Odluke o usvajanju osnivanju  
Plana zaštite od požara na području općine Vareš.)*

Komisija za statutarna pitanja i propise na 33. sjednici održanoj 23.07.2012. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o usvajanju Plana zaštite od požara na području općine Vareš, te ga upućuje Vijeću na razmatranje, s tim da Komisija predlaže ovlaštenom predlagачu da u Planu zaštite od požara na području općine Vareš uradi tehničko-pravne ispravke.**

Ispred predlagača, pomoćnik načelnika Željko Franjić dao je kratko objašnjenje za ovu točku dnevnog reda i upoznao je Vijeće sa pravno-tehničkim ispravkama u Planu zaštite od požara na području općine Vareš.

Nije bilo rasprave po ovoj točki dnevnog reda i predsjedavajući OV stavio je na izjašnjenje Prijedlog Odluke o usvajanju Plana zaštite od požara na području općine Vareš.

Nakon izjašnjenja vijećnika predsjedavajući OV je konstatirao da je sa **19 glasova „ZA“ usvojena**

***Odluka o usvajanju Plana  
zaštite od požara na području općine Vareš.***

**Ad. 2.**

*(Prijedlog Odluke  
o prodaji poslovnog prostora.)*

Komisija za statutarna pitanja i propise na 33. sjednici održanoj 23.07.2012. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o prodaji poslovnog prostora, te ga upućuje Vijeću na razmatranje.**

Predlagač nije imao dodatno objašnjenje za ovu točku dnevnog reda.

Otvorena je rasprava u kojoj su svoje prijedloge i mišljenja iznijeli vijećnici: Dženana Bešić, Elvir Rožajac i Džemo Kevrić.

Vijećnica Dženana Bešić u ime Kluba vijećnika SDA predložila je dopunu Odluke sa prijedlogom Zaključka koji glasi:

- **Obavezuje se Općinski načelnik da postupak kupoprodaje okonča u narednih 30 dana. Ukupna sredstva od prodaje prostora koja je kupac obavezan uplatiti na račun Općine rasporedit će se odmah za isplatu svih zaostalih neisplaćenih naknada općinskim vijećnicima i Komisijama OV.**

Zaključena je rasprava i predsjedavajući OV stavio je na izjašnjenje Prijedlog Odluke o prodaji poslovnog prostora.

Nakon izjašnjenja vijećnika predsjedavajući OV je konstatirao da je sa **20 glasova „ZA“ usvojena**

***Odluka o prodaji poslovnog prostora***

Predsjedavajući OV stavio je na izjašnjenje prijedlog Zaključka vijećnice Dženane Bešić, te nakon izjašnjenja vijećnika konstatira da je sa **20 glasova „ZA“ usvojen**

**Zaključak:**

- **Obavezuje se Općinski načelnik da postupak kupoprodaje okonča u narednih 30 dana. Ukupna sredstva od prodaje prostora koja je kupac obavezan uplatiti na račun Općine rasporedit će se odmah za isplatu svih zaostalih neisplaćenih naknada općinskim vijećnicima i Komisijama OV.**

**Ad. 3.**

*(Prijedlog Odluke o utvrđivanju cijena komunalnih  
usluga i visine naknade za priključno mjesto.)*

Komisija za statutarna pitanja i propise na 33. sjednici održanoj 23.07.2012. godine sa 4 glasa „ZA“ i 1 „SUZDRŽANIM“ glasom donijela je slijedeći Zaključak:

- **Komisija za statutarna pitanja i propise nema primjedbi na Prijedlog Odluke o utvrđivanju cijena komunalnih usluga i visine naknade za priključno mjesto, te ga upućuje Vijeću na razmatranje.**

Predlagač nije imao dodatno objašnjenje za ovu točku dnevnog reda.

Otvorena je rasprava u kojoj su svoje stavove i mišljenja iznijeli vijećnici: Elvir Rožajac i Džemo Kevrić.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju cijena komunalnih usluga i visine naknade za priključno mjesto.

Nakon izjašnjavanja vijećnika predsjedavajući OV je konstatirao da sa **4 glasa „ZA“ , 11 glasova „PROTIV“ i 5 „SUZDRŽANIH“ glasova nije usvojen**

***Prijedlog Odluke o utvrđivanju cijena komunalnih  
usluga i visine naknade za priključno mjesto.***

**Ad. 4.**

*(Prijedlog Odluke o dopuni Odluke  
o sigurnosti saobraćaja na cestama)*

Komisija za statutarna pitanja i propise na 33. sjednici održanoj 23.07.2012. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o dopuni Odluke o sigurnosti saobraćaja na cestama, te ga upućuje Vijeću na razmatranje.**

Ispred predlagača Ermin Musa pomoćnik načelnika upoznao je Vijeće da su nakon dostavljanja materijala Stručnoj službi OV i nakon razmatranja Prijedloga Odluke na Komisiji za statutarna pitanja i propise, pristigla još tri zahtjeva u vezi problema reguliranja saobraćaja a odnose se na ulicu Čaršija. U vezi s tim ovlaštenu predlagač je u pismenom obliku dostavio prijedlog amandmana koji bi postali sastavni dio Prijedloga Odluke o dopuni Odluke o sigurnosti saobraćaja na cestama, ako bi Vijeće usvojilo Prijedlog Odluke.

Prijedlozi amandmana na Prijedlog Odluke o dopuni Odluke o sigurnosti saobraćaja na cestama su slijedeći:

- **U članku 1. stavak 1. predloženog Prijedloga Odluke o dopuni Odluke o sigurnosti saobraćaja na cestama, umjesto „dodaje se novi članak 8b.“ koji glasi predlaže se da stoji „dodaju se novi članci 8b., 8c. i 8d. koji glase:**

**„Članak 8c.**

**U ulici Čaršija zabranjuje se saobraćaj za motocikle, bicikle sa motorom i lake motocikle.**

**Članak 8d.**

**U ulici Čaršija, na gradskom igralištu, zabranjuje se zaustavljanje i parkiranje vozila osim subote u vrijeme pijace.“**

Otvorena je rasprava u kojoj je vijećnik Ivan Lučić iznio stav i mišljenje Kluba vijećnika SDP.

Zaključena je rasprava i predsjedavajući OV stavio je na izjašnjavanje Prijedlog Odluke o dopuni Odluke o sigurnosti saobraćaja na cestama uz napomenu da su predloženi amandmani od strane predstavnika predlagača, postali sastavni dio Prijedloga Odluke.

Nakon izjašnjavanja vijećnika, predsjedavajući OV je konstatirao da sa **20 glasova „ZA“ usvojena**

**Odluka o dopunama Odluke  
o sigurnosti saobraćaja na cestama.**

**Ad.5.**

*(Prijedlog Odluke o dodjeli općinskih  
priznanja i nagrada Općine Vareš za 2012. godinu..)*

**Komisija za statutarna pitanja i propise na 33. sjednici održanoj 23.07.2012. godine je većinom glasova utvrdila Prijedlog Odluke da se općinsko priznanje Plaketa s grbom Općine Vareš, sa utvrđenim iznosom novčane nagrade za 2012. godinu dodijeli Valentini Malbašić.**

Otvorena je rasprava u kojoj je vijećnik Elvir Rožajac iznio stav i mišljenje stranke Naša stranka.

Zaključena je rasprava i predsjedavajući OV stavio je na izjašnjanje Prijedlog Odluke o dodjeli općinskih priznanja i nagrada Općine Vareš za 2012. godinu.

Nakon izjašnjanja vijećnika, predsjedavajući OV konstatira da je sa **20 glasova „ZA“ usvojena**

**Odluka o dodjeli općinskih priznanja  
i nagrada Općine Vareš za 2012. godinu.**

**Ad. 6.**

*(Izvešće o izvršenju budžeta/proračuna Jedinственog  
općinskog organa uprave Općine Vareš za period  
januar/siječanj – jul/lipanj 2012. fiskalne godine.)*

Komisija za gospodarstvo, financije i proračun na 22. sjednici održanoj 30.07.2012. godine jednoglasno je donijela slijedeći Zaključak:

- **Komisija upućuje Izvešće o izvršenju budžeta/proračuna Jedinственog općinskog organa uprave Općine Vareš za period januar/siječanj – jul/lipanj 2012. fiskalne godine Općinskom vijeću na raspravu, sa napomenom da primjedbe i sugestije koje je dala Općinskom načelniku i nadležnoj Službi u pogledu knjiženja i razdvajanja troškova goriva i drugo, ubuduće vodi na posebno razdvojenim stavkama što bi trebalo biti primijenjeno u godišnjem Izvještaju o izvršenju proračuna za 2012. godinu.**

Ispred predlagача Zihnija Krnjić pomoćnik načelnika dao je dopunsko obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac, Mato Pavić i Ivan Lučić koji je predložio Vijeću da prilikom izglasavanja o ovom Izvještaju, donese zaključak koji će obavezati Općinskog načelnika i nadležne Službe, kako je to propisao u svom Zaključku o izvršenju budžeta, da za narednu sjednicu OV pripreme potrebne dokumente da bi moglo po njima da se vrši pražnjenje budžeta.

Predsjedavajući OV pozvao je Općinskog načelnika da odgovori na postavljena pitanja vijećnika u raspravi.

Općinski načelnik izvjestio je Vijeće da se radi na tome da Općina dobije sredstva po zakonu o šumama i ako se ta sredstva dobiju, da planira platiti doprinose iz ranijih godina (preko 360.000 KM). Također je podsjetio da sredstva koja su Općini uplaćena od strane nadležnih civilnih zaštita Federacije i kantona na osnovu elementarne nepogode, nisu onolika koliko se očekivalo i da se u Federalnom ministarstvu CZ vode aktivnosti o dodjeli još novčanih sredstava. U vezi postavljene pitanja u raspravi od strane vijećnika Ivana Lučića, izjasnio se da rebalans može biti nakon Izvještaja

za devet mjeseci. Na postavljeno pitanje u raspravi vijećnika Mate Pavić koje se odnosi na račune za obračunatu razliku između kalkulativnih i trenutnih cijena komunalnih usluga, koje dostavlja JKP d. o.o. Vareš i o tome što Općinski načelnik planira uraditi sa njima, Općinski načelnik je izjasnio se: „ mi još ni jedan račun nismo zaprimili u Općini i nemamo poziciju za namirenje naknade u cijeni vode.“ Dalje je napomenuo da je na Vijeću odgovornost i da je ovo zakonska obaveza koja ostaje i koju će Sud jednog dana presuditi i Općina će po Rješenju Suda morati reagirati. Vijećnici Dženani Bešić dao je odgovor da Odluka o izvršenju budžeta postoji, ali sticajem okolnosti, isplate naknade vijećnicima i radnim tijelima OV došle su na red po nekim prioritetima i da nema ništa protiv da se sredstva od prodaje poslovnog prostora isplate za rad vijećnika i Komisija OV i naknade za političke partije.

Predsjedavajući OV dao je ispravku na načelnikovo izlaganje, a to je da su računi od JKP d.o.o. Vareš zaprimani i da su svi protokolisani.

Predsjedavajući OV stavio je na izjašnjanje Izvještaj o izvršenju budžeta/proračuna Jedinstvenog općinskog organa uprave Općine Vareš za period januar/siječanj – jul/lipanj 2012. fiskalne godine.

Nakon izjašnjanja vijećnika predsjedavajući OV konstatira da sa **8 glasova „ZA“, 1 glasom „PROTIV“ i 10 „SUZDRŽANIH glasova nije usvojeno**

***Izveće o izvršenju budžeta/proračuna  
Jedinstvenog općinskog organa  
uprave Općine Vareš za period  
januar/siječanj – jul/lipanj 2012. fiskalne godine.***

Predsjedavajući OV stavio je na izjašnjanje prijedlog Zaključka od strane vijećnika Ivana Lučić koji glasi:

- **Obavezuje se Općinski načelnik da do naredne sjednice Vijeća se pripreme nedostajući dokumenti kojima se regulira izvršenje proračuna/budžeta Općine Vareš.**

Nakon izjašnjanja vijećnika predsjedavajući OV konstatira da je sa **13 glasova „ZA“ i 6 „SUZDRŽANIH glasova usvojen predloženi Zaključak.**

Predsjedavajući OV stavio je na izjašnjanje sugestiju Komisije za gospodarstvo, financije i proračun kao prijedlog Zaključka:

- **Obavezuje se nadležna Služba da prilikom knjiženja vrši razdvajanje troškova goriva i drugih troškova i da se to realizira i primjeni u završnom Izvještaju o izvršenju proračuna/budžeta Općine Vareš za 2012. godinu.**

Nakon izjašnjanja vijećnika predsjedavajući OV konstatira da je sa **12 glasova „ZA“ i 7 „SUZDRŽANIH glasova usvojen predloženi Zaključak.**

**Ad. 7.**

*(Izveće o stanju lokalne i regionalne  
putne mreže na području općine Vareš.)*

Ispred predlađač Ermin Musa pomoćnik načelnika upoznao je Vijeće na tehničku ispravku u Izvještaju u stavu 3. , umjesto datuma koji je naveden 01.01.-31.08.2011. godine, treba da stoji od 01.01.- 30.06.2012. godine.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac, Džemo Kevrić, Tajiba Brkić, Dženana Bešić, Ivan Lučić Džemo Kevrić, predsjedavajući OV Josip Malbašić i Općinski načelnik koji je dao odgovore na neka pitanja vijećnika postavljena u raspravi, a u vezi prijedloga vijećnika Džeme Kevrić da se formira Komisija koja će izvršiti uvid u stanje svih lokalnih puteva, a u okviru toga i lokalni put Striježevo-Kokošćici i da se to

prezentira Vijeću, Općinski načelnik je izjavio da će se u roku od narednih sedam dana uraditi sanacija lokalnog puta Striježevo-Kokošćići.

Zaključena je rasprava i predsjedavajući OV stavio je na izjašnjanje Izvještaj o stanju lokalne i regionalne putne mreže na području općine Vareš.

Nakon izjašnjanja vijećnika predsjedavajući OV konstatira da je sa **14 glasova «ZA» i 5 „SUZDRŽANIH“ glasova usvojeno**

***Izvešće o stanju lokalne i regionalne  
putne mreže na području općine Vareš.***

**Ad. 8.**

*(Izveštaj o rekonstrukciji i izgradnji regionalnog  
puta R-444 Podlugovi-Breza-Vareš-Vijaka Podkamensko.)*

Predlagač nije imao dodatno objašnjenje za ovu točku dnevnog reda.

Otvorena je rasprava u kojoj su učestvovali Općinski načelnik i vijećnik Mato Pavić.

Zaključena je rasprava i predsjedavajući OV predložio je Vijeću da Informaciju o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko primi k znanju.

Nakon izjašnjanja vijećnika predsjedavajući OV konstatira da je sa **18 glasova «ZA» i 1 „SUZDRŽANIM“ glasom primljena k znanju**

***Informacija o rekonstrukciji i izgradnji regionalnog  
puta R-444 Podlugovi-Breza-Vareš-Vijaka-Podkamensko.***

**Ad. 9.**

*(Informacija o stanju u oblasti  
boračko-invalidske zaštite na području općine Vareš.)*

Predlagač nije imao dodatno objašnjenje za ovu točku dnevnog reda.

Otvorena je rasprava u kojoj su svoje primjedbe, sugestije i mišljenja iznijeli vijećnici: Elvir Rožajac, Jasmin Salketić i pomoćnik načelnika Rusmir Berberović koji je dao dodatna pojašnjenja.

Zaključena je rasprava i predsjedavajući OV predložio je Vijeću da primi k znanju Informaciju o stanju u oblasti boračko-invalidske zaštite na području općine Vareš.

Nakon izjašnjanja vijećnika predsjedavajući OV konstatira da je sa **18 glasova „ZA“ i 1 „SUZDRŽANIM“ glasom primljena k znanju**

***Informacija o stanju u oblasti  
boračko-invalidske zaštite na području općine Vareš.***

**Ad. 10.**

*(Informacija o realiziranim projektima NVO sektora i  
suradnji sa javnim sektorom na području općine Vareš.)*

Predlagač nije imao dodatno objašnjenje za ovu točku dnevnog reda.

Otvorena je rasprava u kojoj joj svoje primjedbe i mišljenja iznio vijećnik Elvir Rožajac i pomoćnik načelnika Rusmir Berberović koji je dao neka dodatna pojašnjenja.



Zaključena je rasprava i predsjedavajući OV predložio je Vijeću da primi k znanju Informaciju o realiziranim projektima NVO sektora i suradnji sa javnim sektorom na području općine Vareš.

Nakon izjašnjavanja vijećnika predsjedavajući OV konstatira da je sa **18 glasova „ZA“ i 1 „SUZDRŽANIM“ glasom primljena k znanju**

*Informacija o realiziranim projektima NVO sektora i  
suradnji sa javnim sektorom na području općine Vareš.*

**Ad. 11.**

*( Tekuća pitanja )*

1. Predsjedavajući OV upoznao je prisutne da je Općinskom vijeću upućena Obavijest od strane Ministarstva za boračka pitanja ZDK vezano za Zaključak Općinskog vijeća Vareš o povećanju broja dodijeljenih stipendija.  
Predsjedavajući OV je konstatirao da je OV primilo Obavijest k znanju i da su aktivnosti koje je OV provodilo u vezi dodijele stipendija rezultirali određenim pomacima.
2. Predsjedavajući OV upoznao je prisutne da je Vijeću i Općinskom načelniku upućen Zahtjev o od strane građana ulice Benići a u vezi izgradnje pristupnog puta.

Otvorena je rasprava u kojoj je Općinski načelnik upoznao Vijeće da je na osnovu Zahtjeva građana ulice Benići , već naloženo nadležnim iz Općine da izađu na teren i snime stanje i nakon njihovog nalaza-mišljenja, u granicama nekih mogućnosti, probat će se riješiti problem.

U raspravi je učestvovao predsjedavajući OV koji je izjavio da se za početak može prihvatiti načelnikov prijedlog i predložio je i stavio na izjašnjavanje prijedlog

**Zaključka:**

- **Obavezuje se Općinski načelnik da se pokuša uraditi projektna dokumentacija u vezi izgradnje pristupnog puta u dijelu ulice Benići u ovoj godini, ukoliko prikupljena sredstva od građevinskih dozvola to dozvoljavaju.**

Nakon izjašnjavanja vijećnika predsjedavajući OV je konstatirao da je **jednoglasno usvojen predloženi Zaključak.**

3. Predsjedavajući OV upoznao je prisutne da je Općinskom vijeću upućen Zahtjev od strane grupe građana MZ Ravne zaseok Kosići i Gaj vezano za otvaranje puta na relaciji Gaj-Škola-Ambulanta.

Otvorena je rasprava u kojoj su učestvovali vijećnici: Elvir Rožajac i Ivan Lučić.

Zaključena je rasprava i predsjedavajući OV predložio je slijedeći

**Zaključak:**

- **Obavezuje se Općinski načelnik da u okviru svojih ovlasti postupi po zahtjevu grupe građana iz MZ Ravne, zaseok Kosići i Gaj.**

Predsjedavajući OV stavio je predloženi zaključak na izjašnjavanje i nakon izjašnjavanja vijećnika konstatirao da je sa **19 glasova „ZA“ usvojen predloženi Zaključak.**

4. Predsjedavajući OV podsjetio je prisutne na Prijedlog Programa obilježavanja Dana općine Vareš, koji je dostavljen svima i u vezi s tim pozvao je ovlaštenog predlagача da, ako ima potrebe, Vijeću da dodatno objašnjenje.

Ispred predlagača, pomoćnik načelnika Rusmir Berberović dao je dodatno obrazloženje i upoznao Vijeće sa aktivnostima u vezi Programa obilježavanja Dana općine Vareš.

Otvorena je rasprava.

Nije bilo učesnika u raspravi po ovoj točki i predsjedavajući OV stavio je na izjašnjanje Prijedlog Programa obilježavanja Dana općine Vareš.

Nakon izjašnjanja vijećnika predsjedavajući OV je konstatirao da je sa **19 glasova „ZA“ usvojen**

***Program obilježavanja Dana općine Vareš.***

5. S obzirom da sadašnjem sazivu Općinskog vijeća ističe mandat u oktobru mjesecu tekuće godine i da se u istom mjesecu održavaju Lokalni izbori a u cilju realizacije Programa rada Vijeća za ovu godinu, predsjedavajući OV je predložio slijedeći

**Zaključak:**

- **Traži se od Općinskog načelnika kao ovlaštenog predlagača akata za Vijeće da se maksimalno angažira na obradi i dostavi materijala od strane nositelja izrade akata, kako bi u rujnu/septembru mjesecu ove godine na sjednici Vijeća bilo što više tih akata, da bi Vijeće moglo izvršiti realizaciju svog Programa rada za 2012. godinu.**

Otvorena je rasprava o predloženom Zaključku.

Nije bilo učesnika u raspravi i predsjedavajući OV stavio je na izjašnjanje predloženi Zaključak.

Nakon izjašnjanja vijećnika predsjedavajući OV konstatirao je da je sa **19 glasova „ZA“ usvojen predloženi Zaključak.**

Predsjedavajući OV je u ime Općinskog vijeća i u svoje lično, svim vjernicima islamske vjeroispovjedi, čestitao nadolazeći praznik Ramazanski Bajram.

Sjednica je završena u 11 sati i 55 minuta.

**T A J N I K**

*Leon Pavlović*

**PREDSJEDAVAJUĆI**

*Josip Malbašić*

**ZAPISNIČAR**

*Azra Ibrahimović*